

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

24.11.2020թ.

ք.Երևան

Հարկադիր կատարումն ապահովող ծառայության Երևան քաղաքի Շենգավիթ բաժնի հարկադիր կատարող՝ արդարադատության կապիտան Ս.Հարությունյանս, ուսումնասիրելով 13.03.2020թ. հարուցված թիվ 05989362 կատարողական վարույթի նյութերը

Պ Ա Ր Զ Ե Ց Ի

ՀՀ Երևան քաղաքի ընդհանուր իրավասության դատարանի կողմից 11.03.2020թ. տրված թիվ ԵԴ/4434/02/19 կատարողական թերթի համաձայն պետք է՝ Վիգեն Հովհաննիսյանից հոգուտ «ՎՏԲ-Հայաստան բանկ» ՓԲԸ-ի բռնագանձել՝ 995679,3 ՀՀ դրամ, որից՝ վարկի գումար 895038,8 ՀՀ դրամ, վարկի դիմաց հաշվարկված տոկոս՝ 58390,9 ՀՀ դրամ, ժամկետանց տոկոսի դիմաց հաշվարկված տույժ՝ 4040,2 ՀՀ դրամ, ժամկետանց գումարի դիմաց հաշվարկված տույժ՝ 4485,5 ՀՀ դրամ, վարկերի սպասարկման հաշիվներ՝ 33723,9 ՀՀ դրամ: Ժամկետանց մնացորդի նկատմամբ պայմանագրի 1.1 կետով նախատեսված 13.5% տոկոսադրույքի հաշվարկը շարունակել 13.02.2019թ մինչև դրա փաստացի մարումը, բայց ոչ ավել քան 27.07.2020 թվականը, ինչպես նաև ժամկետանց վարկի մնացորդի և հաշվարկված տոկոսների նկատմամբ տույժերի հաշվարկը 13.02.2019թ մինչև դրա փաստացի մարումը շարունակել օրական 0.09 տոկոսով՝ յուրաքանչյուր ուշացրած օրվա համար՝ հիմք ընդունելով վարկային պայմանագրի 6.1 կետով նախատեսված տոկոսադրույքը, իսկ պայմանագրի 4.1 կետով նախատեսված ամսական սպասարկման վճարների հաշվարկը շարունակել 13.02.2019թ մինչև վարկի փաստացի մարումը և այն ևս բռնագանձել հոգուտ բանկի: Բռնագանձել նաև 19913,6 ՀՀ դրամ՝ որպես նախապես վճարված պետական տուրքի գումար:

Պարտապանից պետք է բռնագանձել նաև նաև բռնագանձման ենթակա գումարի 5%-ի չափով ՀՀ դրամ գումար, որպես կատարողական գործողությունների կատարման ծախս:

Կատարողական գործողությունների ընթացքում կատարվել է «ՎՏԲ-Հայաստան բանկ» ՓԲԸ-ում թիվ ՈՎ 046 18 00976 պայմանագրով գրավադրված ոսկյա իրերի փորձաքննություն, որի արժեքը Ա/Ձ Գևորգ Հովհաննիսյանի գնահատմամբ կազմում է 1060800 ՀՀ դրամ:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 28.1, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով՝

Ո Ր Ո Շ Ե Ց Ի

Գրավի առարկա հանդիսացող ներքոհիշյալ գույքը

N	լոտի անվանումը, նկարագիրը	գնահատման գինը	մեկնարկային գինը	գույքի քանակը
1	Ոսկյա շղթա՝ 583 հարգի, 6.9 գրամ	117.300 դրամ	87.975 դրամ	մեկ հատ
2	Ոսկյա շղթա՝ 583 հարգի, 5.9 գրամ	100.300 դրամ	75.225 դրամ	մեկ հատ
3	Ոսկյա շղթա՝ 583 հարգի, 6.5 գրամ	110.500 դրամ	82.875 դրամ	մեկ հատ
4	Ոսկյա շղթա՝ 583 հարգի, 6.4 գրամ	108.800 դրամ	81.600 դրամ	մեկ հատ
5	Ոսկյա շղթա՝ 583 հարգի, 6.7 գրամ	113.900 դրամ	85.425 դրամ	մեկ հատ

6	Ոսկյա շղթա՝ 583 հարգի, 6.4 գրամ	108.800 դրամ	81.600 դրամ	մեկ հատ
7	Ոսկյա շղթա՝ 583 հարգի, 5.9 գրամ	100.300 դրամ	75.225 դրամ	մեկ հատ
8	Ոսկյա շղթա՝ 583 հարգի, 6.4 գրամ	108.800 դրամ	81.600 դրամ	մեկ հատ
9	Ոսկյա շղթա՝ 583 հարգի, 8.8 գրամ	149.600 դրամ	112.200 դրամ	մեկ հատ
10	Ոսկյա շղթա՝ 583 հարգի, 2.5 գրամ	42.500 դրամ	31.875 դրամ	մեկ հատ

ներկայացնել հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ harkadir.ajurd.am միջոցով: Հարկադիր էլեկտրոնային աճուրդի սկիզբը՝ **11.01.2021թ.**:

Որոշումն ուղարկել կողմերին:

Որոշումը կարող է բողոքարկվել վերադասության կարգով՝ որոշումն ուժի մեջ մտնելու օրվանից՝ երկամսյա ժամկետում կամ վարչական դատարան՝ օրենքով սահմանված ժամկետներում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

ՀԱՐԿԱԴԻՐ ԿԱՏԱՐՈՂ
ԱՐԴԱՐԱԴԱՏՈՒԹՅԱՆ ԿԱՊԻՏԱՆ՝

Ս.ՀԱՐՈՒԹՅՈՒՆՅԱՆ

Ծ Ա Ն Ո Թ ՈՒ Թ Յ ՈՒ Ն: Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքերով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Տասնհինգերորդ հարկադիր աճուրդը չկայանալու դեպքում հաջորդ աճուրդներում լոտի մեկնարկային գինը չի իջեցվում: Տասնհինգերորդ հարկադիր աճուրդը չկայանալու դեպքում հարկադիր աճուրդի է ներկայացվում նաև պարտապանին պատկանող՝ օրենքով սահմանված նույն հերթում ներառված այլ գույք, իսկ նույն հերթում ներառված գույքերի անբավարարության դեպքում՝ հաջորդ հերթում ներառված այլ գույք:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր հերթական աճուրդից հետո, լոտը չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լոտն իրեն հանձնելու վերաբերյալ գրավոր պահանջը կարող է ներկայացնել ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց հետո, իսկ գույքի /լոտի/ հանձման կապակցությամբ հարկեր վճարելու պարտականություն առաջանալու դեպքում՝ նաև դրա կատարումը հավաստող փաստաթղթերը ներկայացնելուց հետո: